

## Član 16.

Nadzor nad finansijskim, materijalnim i računovodstvenim poslovanjem korisnika te nad zakonitošću i svrshodnom upotrebom budžetskih sredstava obavlja Ministarstvo finansija.

## Član 17.

Slobodnim novčanim sredstvima Budžeta upravlja Vlada Kantona.

Prihod od upravljanja slobodnim novčanim sredstvima uplaćuje se u Budžet.

## III - KAZNENE ODREDBE

## Član 18.

Novčanom kaznom od 1.000,00 DEM kaznit će se za prekršaj odgovorno lice korisnika Budžeta:

1. ako sredstva Budžeta ne upotrijebi za one namjene za koje su sredstva utvrđene i ako preuzme obavezu iznad utvrđene u Budžetu;
2. ako Ministarstvu finansija ne dostavi tromjesečni plan u propisanom roku i
3. ako sredstva isplati protivno članu 14. i 15. ovog Zakona.

Novčane kazne se naplaćuju u DEM, KM i HRK.

## Član 19.

Prekršajni postupak iz člana 18. ovog zakona vodit će nadležno tijelo u Ministarstvu finansija.

## Član 20.

Ovaj Zakon stupa na snagu danom donošenja i objavit će se u Službenim novinama Hercegovačko - neretvanskog kantona.

Broj: 01-VS-012-01/98  
30.marta.1998.  
Mostar

Predsjednik  
Hamo Masleša s.r.

55

Na osnovu poglavlja V, odjeljka B, člana 45. c) Ustava Hercegovačko-neretvanskog kantona,  
d o n o s i m


## U K A Z

o proglašenju Zakona o kantonalnim ministarstvima i drugim tijelima kantonalne uprave

Proglašava se Zakon o kantonalnim ministarstvima i drugim tijelima kantonalne uprave koji je donijela Skupština Hercegovačko-neretvanskog kantona na sjednici održanoj 14. aprila 1998. godine.

Broj: 01-I-017/98  
01.jula 1998.  
Mostar

Guverner  
Željko Obradović s.r.



## ZAKON

O KANTONALNIM MINISTARSTVIMA I  
DRUGIM TIJELIMA KANTONALNE UPRAVE

## I OPĆE ODREDBE

## Član 1.

Ovim zakonom osnivaju se kantonalna ministarstva, uprave i upravne organizacije Hercegovačko-neretvanskog kantona ( u daljem tekstu: kantonalna ministarstva, uprave i upravne organizacije), utvrđuje njihova nadležnost i uređuju druga pitanja od značaja za njihovo organiziranje i funkcioniranje.

**Član 2.**

Organi iz člana 1. ovog zakona, pored poslova iz nadležnosti utvrđenih ovim zakonom, vrše i druge poslove utvrđene zakonom.

Nadležnosti koje su zajedničke za kantonalnu i federalnu vlast ostvaruju se u skladu sa Ustavom Federacije Bosne i Hercegovine.

**Član 3.**

Kantonalna ministarstva, uprave i upravne organizacije vrše funkciju uprave u Kantonu.

U sastavu ministarstava mogu se osnivati uprave i upravne organizacije.

Kantonalne uprave i upravne organizacije u sastavu ministarstva nemaju svojstvo pravnog lica osim ako zakonom nije drugačije određeno.

**Član 4.**

Kantonalni organi uprave vrše upravne i druge stručne poslove iz okvira prava i dužnosti Kantona u oblastima za koje su osnovani, ako pojedini od tih poslova nisu zakonom, kao javno ovlaštenje, povjereni javnim ustanovama, preduzećima i drugim pravnim licima.

**II KANTONALNA MINISTARSTVA, UPRAVE I UPRAVNE ORGANIZACIJE****A. KANTONALNA MINISTARSTVA****Član 5.**

Ministarstva Kantona su:

1. Ministarstvo unutrašnjih poslova
2. Ministarstvo pravosuđa i uprave
3. Ministarstvo finansija
4. Ministarstvo obrazovanja, nauke, kulture i sporta
5. Ministarstvo rada i socijalne zaštite
6. Ministarstvo zdravstva
7. Ministarstvo saobraćaja i veza
8. Ministarstvo trgovine i turizma
9. Ministarstvo industrije i rudarstva
10. Ministarstvo poljoprivrede, šumarstva i

vodoprivrede

11. Ministarstvo energetike
12. Ministarstvo građenja, prostornog uređenja i zaštite okoline

**1. Ministarstvo unutrašnjih poslova****Član 6.**

Ministarstvo unutrašnjih poslova vrši upravne i druge stručne poslove koji se odnose na:

1. Provođenje zakona Kantona, Federacije Bosne i Hercegovine (u daljem tekstu: Federacija) i Bosne i Hercegovine i Ustava Kantona, Federacije Bosne i Hercegovine i Bosne i Hercegovine iz svoje nadležnosti;
2. Poslovi i zadaci policije, osim poslova koji su u nadležnosti policije Federacije;
3. Poslovi i zadaci policije koje Ministarstvu povjeri Federalno ministarstvo;
4. Osiguranje određenih ličnosti i objekata Kantona;
5. Poslovi i zadaci koji se odnose na: održavanje javnih skupova, lične karte, lično ime, prijavljivanje prebivališta i boravišta, jedinstveni matični broj građana, matične knjige, registraciju motornih vozila, vozačke ispite i izdavanje vozačkih dozvola, nabavljanje, držanje i nošenje oružja i municije, kretanje i boravak stranaca;
6. Vršiti zaštitu života i imovine i sprovodi ustav i zakone Kantona;
7. Neposredno provodi politiku Kantona, izvršava kantonalne, federalne i zakone Bosne i Hercegovine iz svoje nadležnosti i o tome izvještava Skupštinu, predsjednika i Vladu kantona;
8. Rješava u upravnim postupcima utvrđenim zakonom;
9. Vršiti nadzor nad provođenjem kantonalnih zakona i drugih propisa;
10. Prati, usmjerava i usklađuje rad policijskih uprava, naročito u poslovima i zadacima, policije, a u složenijim slučajevima po potrebi i neposredno preduzima mjere za sprječavanje i otkrivanje krivičnih djela i pronalaženje i hvatanje njihovih počinitelja, pruža stručnu pomoć policijskim

- upravama, te vrši nadzor nad njihovim radom;
11. Neposredno učestvuje u vršenju poslova i zadataka zaštite života i lične sigurnosti građana, kao i zaštitu objekata i drugih materijalnih dobara u slučaju opće opasnosti ili kad je javni red i mir narušen u većem obimu, kao i u slučaju terorističkog i drugog nasilnog djelovanja, odnosno oružane pobune;
  12. Vršiti nadzor u pogledu izvršavanja unutrašnjih poslova koji su povjereni drugim organima, preduzećima i drugim pravnim licima;
  13. Vršiti nabavku naoružanja, opreme i materijalno-tehničkih sredstava za potrebe Ministarstva, koja se obezbjeđuju u budžetu Kantona za ove namjene;
  14. Utvrđuje programe stručnog osposobljavanja i usavršavanja policije i drugih ovlaštenih službenih lica i vrši provjeru njihove osposobljenosti, stara se o njihovoj realizaciji i naređuje izvođenje odgovarajućih vježbi;
  15. Stara se o primjeni i usavršavanju stručnih i naučnih metoda o radu i sadržaju rada policije;
  16. Vršiti planiranje, organiziranje, održavanje i izgradnju jedinstvenog i funkcionalnog sistema veza, obavlja poslove prenosa i zaštite informacija i protivielektronske zaštite sistema veza;
  17. Vršiti složenija kriminalističko-tehnička vještačenja za potrebe policijskih uprava i kriminalističko-tehnička vještačenja iz nadležnosti Ministarstva;
  18. Stara se o uvođenju i primjeni savremenih naučnih dostignuća u suzbijanju kriminaliteta i preduzima mjere na suzbijanju i otkrivanju krivičnih djela;
  19. Vršiti naučno-istraživačke poslove neophodne za obezbjeđenje djelatnosti policije;
  20. Objavljuje kantonalne potrage i izdaje odgovarajuće glasilo o potragama;
  21. Obezbjeđuje obradu podataka iz oblasti unutrašnjih poslova;
  22. Vodi propisane i druge potrebne statističke i operativne evidencije i stara se o vođenju tih evidencija u policijskim upravama;
  23. Vršiti, u skladu sa domaćim i međunarodnim pravom i standardnim operativnim postupcima primjenjivim u graničnom pojasu, kontrolu kretanja i boravka stranaca, policijsku kontrolu prelaska preko državne granice Bosne i Hercegovine i kretanje i boravka u graničnom pojasu;
  24. Dostavlja Federalnom ministarstvu operativne podatke i obavještenja kao i statističke podatke u vezi poslova iz zajedničke nadležnosti Kantona i Federacije i poslova iz nadležnosti Federacije čije je vršenje povjereno Ministarstvu;
  25. Uspostavlja programe namjenjene olakšavanju javnih i pojedinačnih zahtjeva za pružanje policijskih usluga;
  26. Saraduje sa bilo kojom nezavisnom komisijom za preispitivanje koju uspostavi Kantonalna Vlada i stavlja joj na raspolaganje sve potrebne dokumente kao i osoblje koje ona bude htjela saslušati u vezi sa ispitivanjem pritužbe na nepravilno postupanje policije;
  27. Uspostavlja programe koji će favorizovati aktivno učešće stanovništva u sprječavanju kriminala;
  28. Donosi propise kojima će osigurati da sva kršenja ljudskih prava, poznata ili prijavljena policiji, budu pismeno dokumentirana i temeljito istražena;
  29. Donosi propise kojima će se osigurati da prava svih žrtava zločina budu poštovana i da svi prijavljeni zločini budu dokumentirani i istraženi na odgovarajući način;
  30. Vršiti i druge poslove i zadatke koji su mu ovim i drugim zakonima stavljeni u nadležnost.

## 2. Ministarstvo pravosuđa i uprave

### Član 7.

Ministarstvo pravosuđa i uprave vrši upravne i druge stručne poslove koji se odnose na:

1. organiziranje, kadrove, uslove za rad sudova, tužilaštava, pravobranilaštva i službi pravne pomoći,
2. kazneno-popravne ustanove u skladu sa zakonom,
3. nadzor nad vršenjem poslova pravosudne uprave kantonalnih pravosudnih institucija i poslova organa kantonalne uprave,
4. pomaganje Skupštini kantona u provođenju istrage iz člana V-2-7(5) Ustava Federacije,
5. preduzimanje svih potrebnih mjera zaštite ljudskih prava i sloboda utvrđenih u članovima II A. I do 7. Ustava federacije Bosne i Hercegovine i Anex-u Ustava,
6. nadzor nad istragom i krivičnim gonjenjem u

slučajevima kršenja kantonalnih zakona,

7. advokaturu i javne pisare u skladu sa zakonom,
  8. organiziranje polaganja pravosudnog ispita sa federalnim ministarstvom pravde
  9. organiziranje i provođenje polaganja ispita sudije za prekršaje i stručnog ispita za radnike organa uprave iz djela svoje nadležnosti,
  10. stručne poslove u vezi sa amnestijom i pomilovanjem osuđenih lica za djela utvrđena kantonalnim zakonima,
  11. izvršenje krivičnih i prekršajnih sankcija u skladu sa zakonom,
  12. udruživanje građana u političke organizacije i udruženja iz nadležnosti kantona,
  13. sistem državne uprave, organiziranje i način rada organa uprave u Kantonu,
  14. prava i dužnosti organa uprave Kantona i korištenje i raspolaganje sredstvima u vlasništvu Kantona,
  15. inspeksijski nadzor nad radom kantonalnih i općinskih organa uprave o ostvarivanju sistema državne uprave, provođenja propisa u općem upravnom postupku, posebnim upravnim postupcima i propisima o kancelarijskom poslovanju, radnim odnosima radnika u organima uprave i drugim državnim organima Kantona i općina,
  16. stručno obrazovanje i usavršavanje radnika u pravosudnim organima i organima za izvršavanje krivičnih i prekršajnih sankcija, organima uprave i drugim organima kantona i općina,
  17. rješavanje u drugom stepenu iz svoje nadležnosti,
  18. pripremanje nacрта zakona i drugih propisa iz svoje nadležnosti,
  19. poslovi javne uprave u skladu sa kantonalnim zakonom,
- Ministarstvo pravosuđa i uprave obavlja i druge poslove iz svoje oblasti, u skladu sa zakonom, koji ne spadaju u djelokrug nadležnosti drugog ministarstva, odnosno drugog organa državne uprave.

### 3. Ministarstvo finansija

#### Član 8.

Ministarstvo finansija vrši upravne i druge stručne

poslove koji se odnose na:

1. poreski sistem i poresku politiku Kantona,
2. praćenje carinskog sistema u dijelu koji uređuje nadležnost Kantona u vezi sa radom carinarnice na njegovom području u skladu sa propisima carinske službe Federacije,
3. praćenje finansijskih i kreditnih odnosa sa inostranstvom u okviru ovlaštenja Kantona, a po poslovima privrednih subjekata sa svog područja,
4. praćenje novčanog i bankarskog sistema u dijelu koji uređuje nadležnost Kantona,
5. sistem taksi iz nadležnosti kantona,
6. sistem regulacije igara na sreću iz nadležnosti kantona,
7. financiranje funkcija kantona - izrada i izvršenje budžeta kantona i godišnje obračune budžeta kantona,
8. sistem finansiranja i formiranja razvojnih i drugih fondova na nivou Kantona,
9. praćenje sistema funkcionisanja zavoda za platni promet u okviru nadležnosti kantona,
10. sistem fondova Kantona,
11. sistem finansiranja općih i društvenih potreba,
12. utvrđivanje dinamike praćenja i planiranja nedostajućih sredstava, koncentraciju finansijskih sredstava,
13. osiguranje finansijskih tržišta i poboljšanje finansijskog sistema na prostoru kantona,
14. ekonomsko-finansijske poslove u vezi sa imovinom Kantona,
15. inspeksijski nadzor u svim oblastima iz svoje nadležnosti,
16. prati i analizira sprovođenje ukupne finansijske politike Federacije te njezin uticaj na finansijsko stanje i kretanje u Kantonu, te preko kantonalnih zastupnika u federalnim organima vlasti traži preduzimanje odgovarajućih mjera,
17. analizira i daje ocjenu rada federalnih finansijskih organa i organizacija na nivou Kantona (porezni i carinski organi, organizacije za platni promet i dr.),
18. daje prethodnu saglasnost na postavljenje i imenovanje rukovodećih lica u svim dijelovima

federalnih finansijskih ustanova koje djeluju na nivou kantona u skladu sa federalnim zakonom,

19. vršenje i drugih poslova iz ovih oblasti, u skladu sa zakonom.

#### 4. Ministarstvo obrazovanja, nauke, kulture i sporta

##### Član 9.

Ministarstvo obrazovanja, nauke, kulture i sporta vrši upravne i druge stručne poslove koji se odnose na:

1. predškolsko, osnovno, srednje i visoko obrazovanje,
2. specijalno obrazovanje,
3. donošenje na prijedlog zavoda za školstvo nastavnih planova i programa za predškolsko obrazovanje i vaspitanje, osnovno, srednje i specijalno obrazovanje,
4. standarde i normative prostora, opreme i nastavnih sredstava za predškolsko, osnovno, srednje i specijalno obrazovanje i odgoj,
5. praćenje i podsticanje usavršavanja mladih talenata i darovitih učenika,
6. praćenje, planiranje i podsticanje stručnog obrazovanja i usavršavanja nastavnika i saradnika,
7. odobravanje školskih udžbenika i priručnika za osnovne, srednje i specijalne škole,
8. vođenje evidencije osnivanja i brisanja odgojno-obrazovnih, kulturnih, informativnih i drugih ustanova iz nadležnosti Ministarstva,
9. vođenje brige o đlačkom i studentskog standardu,
10. zaključivanje ekonomsko-financijskih sporazuma sa drugim kantonima uz zaglasnost Ministarstva finansija i Vlade Kantona,
11. pripremanje programa međukantonalne saradnje iz nadležnosti ministarstva,
12. vođenje baze podataka obrazovno-odgojnih, naučno-istraživačkih, kulturnih, sportskih i informativnih ustanova i organizacija na području Kantona,
13. koordiniranje naučno-istraživačkih aktivnosti na području Kantona,
14. djelatnost društvenih organizacija i udruženja građana u nadležnosti ministarstva,
15. pružanje stručne i druge pomoći iz nadležnosti Ministarstva,
16. praćenje stanja i odnosa u djelatnosti tehničke kulture,
17. vršenje nadzora nad zakonitosti rada ustanova iz nadležnosti Ministarstva,
18. sređivanje analitičko-informacionog materijala iz svoje nadležnosti,
19. praćenje i podržavanje sportista i sportskih udruženja od interesa za Kanton,
20. praćenje stanja i odnosa u oblasti obrazovanja, nauke, kulture, sporta i informiranja,
21. zaštita i korištenje nacionalnog i drugog kulturno-historijskog naslijeđa (muzejska, arhivska, bibliotekarska, izdavačka, pozorišna, muzička, likovna, filmska i estradna djela),
22. izgradnja, razvoj i funkcioniranje sistema informiranja,
23. utvrđivanje politike u vezi sa osiguranjem radija i televizije i priprema propisa koji uređuju sistem informiranja,
24. informiranje građana na privremenom radu u inostranstvu,
25. evidentiranje javnih oglasa,
26. utvrđivanje standarda, normativa, djelatnosti u oblasti kulture, vođenja registra, planiranje, davanje saglasnosti za osnivanje ustanova i institucija iz oblasti kulture,
27. vršenje inspeksijskog nadzora nad zakonitošću rada ustanova i drugih institucija čija je djelatnost u nadležnosti ministarstva,
28. vršenje nadzora, propisivanje okvira rada i nadležnosti organa, službi, odjeljenja i drugih formi uprave na području općina nadležnih za poslove ministarstva,
29. utvrđivanje normativa i kriterija za finansiranje institucija čija je djelatnost u nadležnosti ministarstva iz budžeta Kantona,
30. utvrđivanje prijedloga mreže osnovnih i srednjih škola,
31. pripremanje nacрта zakona i drugih propisa iz svoje nadležnosti,
32. vršenje i drugih poslova iz ovih oblasti, u skladu sa zakonom,

**5. Ministarstvo rada i socijalne zaštite****Član 10.**

Ministarstvo rada i socijalne zaštite vrši upravne i druge stručne poslove koji se odnose na:

1. uređenje i sprovođenje kantonalne politike u oblasti radnih odnosa (zapošljavanje, ostvarivanje prava iz radnih odnosa, zaštita na radu)
2. poslove koji se odnose na oblast penzijsko-invalidskog osiguranja iz nadležnosti kantona,
3. Uređenje i sprovođenje socijalne politike i uspostavljanje službi socijalne zaštite,
4. zaštitu civilnih žrtava rata,
5. donošenje propisa i nadzor nad radom humanitarnih organizacija i udruženja građana iz ove oblasti,
6. uređenje, predlaganje i sprovođenje kantonalne politike u pogledu prava i zaštite izbjeglica i raseljenih lica,
7. zaključivanje ekonomsko-financijskih sporazuma sa drugim kantonima uz zaglasnost Ministarstva finansija i Vlade Kantona,
8. inspekcijski nadzor iz područja rada i zaštite na radu,
9. rješava u upravnom postupku iz svoje nadležnosti,
10. vršenje i drugih poslova iz svoje nadležnosti u skladu sa zakonom,

**6. Ministarstvo zdravstva****Član 11.**

Ministarstvo zdravstva vrši upravne i druge stručne poslove koji se odnose na:

1. razvoj i unapređenje zdravstvene zaštite i zdravstvenog osiguranja u jedinstvenom sistemu zdravstvene djelatnosti putem mreže zdravstvenih ustanova u vlasništvu Katonu, općina, domaćina i stranih fizičkih lica u skladu sa zakonom,
2. sistem finansiranja zdravstvene zaštite na području Kantona,
3. ulaganja stranih lica u domaće zdravstvene

ustanove u skladu sa propisima Federacije i Kantona,

4. sprječavanje i suzbijanje hroničnih nezaraznih bolesti,
5. promociju i unapređenje ishrane,
6. zdravstvenu zaštitu majki, žena i djece (planiranje porodice),
7. promociju i unapređenje zdravlja okoline u saradnji sa drugim ministarstvima,
8. promociju i unapređenje mentalne i fizičke rehabilitacije,
9. promociju i unapređenje institucije kućnog lječenja i njege u kući,
10. organiziranje i kontrola lječenja oboljelih i ranjenih izvan Kantona,
11. zaključivanje ekonomsko-financijskih sporazuma sa drugim kantonima uz zaglasnost Ministarstva finansija i Vlade Kantona,
12. promet i uvoz lijekova i opojnih droga, distribuciju i plansko raspoređivanje, kontrola upotrebe,
13. uvođenje jedinstvenih doktriniranih svojstava u sprječavanju, suzbijanju, dijagnostici i lječenju povredjenih i oboljelih,
14. zaštitu od štetnih djelovanja jonizirajućih, odnosno nejonizirajućih zračenja, buke, vibracije, nepovoljnog utjecaja okoline i drugih štetnih činilaca,
15. pretrage namirnica i vode namjenjenih za ljudsku ishranu,
16. laboratorijske analize iz oblasti bakteriologije, parazitologije, serilogije i virusologije,
17. ispitivanje i analiza pesticida, teških metala, antibiotika, stercoida i drugih toksičnih supstanci u oblasti sanitarne hemije i toksikologije,
18. izvršenje mjera sigurnosti i zaštite mjera osim mjera koje su stavljene u nadležnosti drugog organa,
19. razvoj naučno-istraživačkih djelatnosti u oblasti zdravlja,
20. zdravstveno-statističku djelatnost,
21. uspostavu jedinstvenog informacionog sistema u oblasti zdravstva,
22. zdravstveno vaspitanje i unapređenje zdravstvene kulture,
23. stručno obrazovanje svih profila i nivoa stručnosti,
24. utvrđivanje plana potrebnih kadrova svih profila i

- nivoa stručnosti u jedinstvenom sistemu mreže zdravstvenih ustanova Kantona,
25. koordiniranje stručno-medicinskog nadzora nad radom ustanova i zdravstvenih radnika,
  26. inspeksijski nadzor u svim oblastima iz svoje nadležnosti,
  27. sanitarni nadzor,
  28. zdravstveni nadzor,
  29. nadzor u oblasti farmacije i laboratorijske djelatnosti,
  30. osiguranje sredstava za izgradnju, opremanje i osnivanje zdravstvenih ustanova Kantona u skladu sa standardima i normativima kadra, prostora, opreme,
  31. druge sanitarno-preventivne saglasnosti za izgradnju, adaptaciju i upotrebu zdravstvenih objekata u mreži zdravstvenih ustanova Kantona u skladu sa standardima i normativima kadra, prostora i opreme,
  32. saradnja i davanje saglasnosti za rad inostranim i domaćim humanitarnim organizacijama i donatorima koji žele pomoći u poboljšanju stanja zdravlja na području Kantona i usmjeravanje donacija,
  33. zaključivanje ugovora, sporazuma i drugih akata koji se odnose na humanitarnu aktivnosti inostranih i domaćih humanitarnih organizacija u oblasti medicine i farmacije,
  34. koordinacija rada sa resornim ministarstvima u Vladi Kantona i humanitarnim organizacijama čija se djelatnost odnosi na obnovu, adaptaciju i izgradnju objekata i infrastrukturnih sistema u mreži zdravstvenih ustanova Kantona,
  35. odlučivanje u drugostepenom upravnom postupku po žalbama iz nadležnosti ministarstva,
  36. pripremanje nacrtu zakona i drugih propisa iz svoje nadležnosti,
  37. vršenje i drugih poslova iz ove oblasti u skladu sa zakonom.

## 7. Ministarstvo saobraćaja i veza

### Član 12.

Ministarstvo saobraćaja i veza vrši upravne i druge

stručne poslove koji se odnose na:

1. cestovni saobraćaj iz nadležnosti Kantona,
2. telekomunikacijski saobraćaj iz nadležnosti Kantona,
3. registraciju i usklađivanje linija, te redova vožnje za kantonalne linije,
4. poštanski saobraćaj iz nadležnosti Kantona,
5. željeznički saobraćaj iz nadležnosti Kantona,
6. vodni saobraćaj iz nadležnosti Kantona,
7. zračni saobraćaj iz nadležnosti Kantona
8. cjevovodni i integralni transport iz nadležnosti Kantona,
9. izradu saobraćajne osnove kantona u skladu sa saobraćajnom osnovom Federacije,
10. zaključivanje ekonomsko-financijskih sporazuma sa drugim kantonima uz zaglasnost Ministarstva finansija i Vlade Kantona,
11. kategorizaciju cesta iz nadležnosti Kantona,
12. poslovi zaštite cesta iz nadležnosti Kantona
13. finansiranje, iniciranje i praćenje razvoja telekomunikacionih sistema i sredstava veze posredstvom nadležnih institucija u Kantonu,
14. stvaranje uslova za nastup u inostranstvu privrednih subjekata u oblasti prometa sa područja Kantona,
15. inspeksijski nadzor u svim oblastima saobraćaja i veza na području Kantona iz nadležnosti Kantona,
16. saradnja sa ministarstvima za saobraćaj i veze drugih kantona u Federaciji, te sa federalnim i ostalim institucijama iz oblasti saobraćaja i veza,
17. pripremanje nacrtu zakona i drugih propisa iz svoje nadležnosti,
18. rješava u upravnom postupku iz svoje nadležnosti,
19. određivanje visine naknade za korištenje cesta iz svoje nadležnosti.
20. vršenje i drugih poslova iz svoje nadležnosti u skladu sa zakonom.

U sastavu Ministarstva su i upravne organizacije:

- Uprava za ceste i
- Uprava za telekomunikacije.

Uprava za ceste vrši stručne i druge poslove iz

nadležnosti Ministarstva koji se odnose na:

1. planiranje izgradnje, održavanja i rekonstrukcije cesta iz svoje nadležnosti, a u skladu sa planom razvoja,
2. sručne poslove zaštite cesta,
3. finansiranje radova i povjeravanje poslova održavanja cesta specijaliziranim preduzećima,
4. finansiranje radova i povjeravanje poslova izgradnje i rekonstrukcije cesta na području Kantona ovlaštenim preduzećima,
5. vođenje investiciono-tehničke dokumentacije o cestama i cestovnim objektima na području Kantona,
6. predlaganje visine naknade za korištenje cesta iz svoje nadležnosti.

Uprava za telekomunikacije vrši stručne i druge poslove koji se odnose na:

1. praćenje i učestvovanje u izradi planova razvoja sistema veza na području Kantona,
2. učestvovanje u planiranju razvoja infrastrukture radio i TV difuzije u segmentu predajnika i veza iz nadležnosti Kantona,
3. monitoring i kontrolu radio-frekvencijskog spektra putem kantonalno-mjernog centra iz nadležnosti Kantona.

#### 8. Ministarstvo za trgovinu i turizam

##### Član 13.

Ministarstvo za trgovinu i turizam vrši upravne i druge stručne poslove koji se odnose na:

1. unutrašnju trgovinu u Kantonu i ekonomske odnose sa drugim kantonima u Federaciji,
2. provođenje zakona i propisa,
3. promet roba i usluga unutar Kantona.
4. izvoz i uvoz u skladu sa zakonom i drugim propisima
5. bilansiranje i praćenje snabdjevenosti kantona,
6. praćenje i analiziranje izvoza i uvoza roba i usluga na području kantona.

7. učešće u kreiranju politike uvoza i izvoza u cilju zaštite proizvodnje unutar kantona (odobranje uvoznih i izvoznih kontigenata za određene proizvode u koordinaciji sa Ministarstvom trgovine Federacije),
8. kontrola cijena proizvoda i usluga u skladu sa zakonom,
9. zaključivanje, praćenje i izvršavanje ekonomskih sporazuma kantona sa drugim kantonima,
10. zaključivanje ekonomsko - finansijskih sporazuma sa drugim kantonima uz saglasnost Ministarstva finansija i Vlade Kantona,
11. stvaranje i primjenu politike kantonalnog turizma, razvoj turističkih resursa,
12. kreiranje politike i razvoja rekreativnih, rehabilitacionih i drugih centara,
13. donošenje odluka o visini turističke takse,
14. turističko-propagandnu djelatnost,
15. ugostiteljstvo,
16. preduzetništvo
17. ulaganje stranih lica u domaća preduzeća u ovim oblastima u skladu sa zakonom,
18. poslove međuentitetskog prometa roba i usluga u domenu Kantona,
19. vršenje inspekcijuskog nadzora iz svih oblasti svoje nadležnosti,
20. pripremanje nacрта zakona i drugih propisa te donošenje odluka iz svoje nadležnosti,
21. odlučivanje u drugostepenom postupku po žalbama iz svoje nadležnosti,
22. vršenje i drugih poslova iz svoje oblasti u skladu sa zakonom.

#### 9. Ministarstvo industrije i rudarstva

##### Član 14.

Ministarstvo industrije i rudarstva vrši upravne i stručne poslove koji se odnose na:

1. industriju i rudarstvo,
2. ulaganje stranih lica u domaća preduzeća u ovim oblastima na području Kantona u skladu sa zakonom,
3. praćenje proizvodnje i preuzimanje odgovarajućih mjera za njeno ostvarivanje i unapređenje,



4. geološka istraživanja i eksploatacija mineralnih sirovina
5. korištenje prirodnih bogastava Kantona,
6. utvrđivanje bilansa proizvodnje uglja i drugih industrijskih mineralnih sirovina,
7. utvrđivanje programa geoloških istraživanja zajedno sa resornim ministarstvom,
8. raspodjela i distribucija energenata,
9. ustupanje i pribavljanje materijalnih prava na tehnologiju i industrijsko vlasništvo
10. zaključivanje ekonomsko-financijskih i privrednih sporazuma sa drugim kantonima, njihovo izvršenje i nadzor nad izvršenjem, uz zaglasnost Ministarstva finansija i Vlade Kantona,
11. pripremanje odluka u okviru ekonomske politike za podsticanje privrednog i društvenog razvoja Kantona,
12. inspekcijski nadzor u svim oblastima iz svoje nadležnosti,
13. praćenje i koordinacija poslova u vezi sa privatizacijom,
14. sudjelovanje u utvrđivanju globalne strategije razvoja Kantona,
15. utvrđivanje prijedloga za finansiranje programa privredne obnove i razvoja Kantona koji će se finansirati od strane inostranih i domaćih izvora,
16. odlučivanje u drugom stepenu u upravnom postupku iz svoje nadležnosti,
17. pripremanje nacrtu zakona i drugih propisa iz svoje nadležnosti,
18. vršenje i drugih poslova iz ovih oblasti u skladu sa zakonom.

#### 10. Ministarstvo poljoprivrede, šumarstva i vodoprivrede

##### Član 15.

Ministarstvo poljoprivrede, šumarstva i vodoprivrede vrši upravne i druge stručne poslove koji se odnose na:

1. pripremu nacrtu Zakona i drugih propisa iz svoje nadležnosti;

2. unapređenje poljoprivredne proizvodnje, zaštitu i korištenje poljoprivrednog zemljišta, zaštitu poljoprivrednog bilja i proizvoda od uzročnika bolesti, štetočina i korova;
3. promet sredstava za zaštitu bilja, proizvodnju i promet sjemena i drugog sadnog materijala;
4. proizvodnju i otkup duhana;
5. proizvodnju i promet vina i rakije;
6. unapređivanje stočarstva;
7. zdravstvenu zaštitu životinja i kontrolu zdravstvene ispravnosti namirnica životinjskog porijekla, stočne hrane, vode i ribarstva;
8. uzgoj i zaštita, unapređenje i razvoj pčelarstva i ribarstva;
9. promet lijekova koji se upotrebljavaju u veterinarstvu;
10. zaključivanje ekonomsko-financijskih sporazuma sa drugim kantonima uz saglasnost Ministarstva finansija i Vlade Kantona,
11. davanje veterinarske saglasnosti za izgradnju objekata za uzgoj stoke i prometa u toj oblasti;
12. unaprijeđivanje proizvodnje u šumarstvu;
13. stanje drvnog fonda, uzgoj i zaštita šuma, iskorištavanje šuma;
14. pošumljavanje degradiranih i prorijeđenih šuma, goleti i krša;
15. proizvodnja i promet šumskog sjemena i sadnog materijala;
16. obnovu i izgradnju šumskih puteva, lov i lovnu privredu, sporedni šumski proizvodi (proizvodnja i promet ljekovitog bilja, gljiva, puževa i šumskih plodova i dr.);
17. režim voda;
18. planiranje razvoja vodoprivrede i učestvovanje u izradi vodoprivredne osnove;
19. zaštitu voda i vodotoka od zagađivanja, upotrebu i korištenje voda;
20. zaštitu od štetog djelovanja voda, kvalitet voda i vodoopskrba;
21. hidromelioracija;
22. izdavanje vodoprivrednih uslova, saglasnosti, dozvola i naloga za objekte i radove koji utiču na režim voda;
23. organiziranje, unapređenje, izradu i praćenje istraživačkih projekata u ovim oblastima;
24. ulaganje stranih preduzeća i lica u domaća

preduzeća u ovim oblastima u skladu sa propisima Federacije BiH i Kantona;

25. inspeksijski nadzor u oblasti poljoprivrede, veterinarstva, šumarstva, lova i vodoprivrede;
26. obavljanje i drugih poslova koje su mu stavljene u nadležnost;

U sastavu ovog Ministarstva je Zavod za zemljište, Zavod za zaštitu bilja u poljoprivredi i šumarstvu i uprava za veterinarstvo.

#### a) Zavod za zemljište

Zavod za zemljište obavlja slijedeće stručne poslove:

1. osigurava izvršenje zakona, propisa i akata;
2. prikuplja i obrađuje podatke o stanju zemljišta u poljoprivredi i šumarstvu;
3. radi na izradi i inoviranju pedološke karte Kantona;
4. osigurava prikupljanje i korištenje potrebnih meteoroloških podataka za praćenje štetnih pojava (poplave, klizišta, odroni i dr.);
5. prati i prikuplja podatke o načinu korištenja poljoprivrednih i šumskih zemljišta;
6. obavlja snimanje zemljišta sa ciljem utvrđivanje boniteta istih, osigurava izradu programa zaštite zemljišta za njegovo korištenje u nenamjenske svrhe;
7. organizira, priprema i kontrolira komasaciju i arondaciju zemljišta;
8. utvrđuje uslove, način i postupak kod davanja zemljišta u zakup;
9. obavlja i druge stručne poslove koje mu odredi ministar uz saglasnost zamjenika ministra;

#### b) Zavod za zaštitu bilja u poljoprivredi i šumarstvu

Zavod za zaštitu bilja u poljoprivredi i šumarstvu obavlja slijedeće stručne poslove:

1. daje prijedlog za rješavanje pitanje zaštite bilja;
2. prikuplja i obrađuje podatke o zdravstvenom stanju biljaka u poljoprivredi i šumarstvu;
3. prati pojavu ekonomski značajnih bolesti i štetočina posebno karantenskih bolesti i štetočina;
4. osigurava prikupljanje i korištenje potrebnih meteoroloških podataka za praćenje pojava karantenskih bolesti i štetočina;

5. prati i prikuplja podatke o pojavi i rasprostranjenosti biljnih štetočina;
6. određuje rokove i načine suzbijanja i sprečavanja bolesti i štetočina bilja;
7. osigurava izradu programa zaštite zemljišta i bilja u poljoprivredi i šumarstvu;
8. izrađuje stručne analize i izvještaje;
9. učestvuje u međunarodnoj stručnoj saradnji;
10. pruža pomoć općinskim službama za zaštitu zemljišta i bilja;
11. daje stručna mišljenja, objašnjenja i uputstva;
12. organizira stručne sastanke;
13. obavlja i druge stručne poslove koje mu odredi ministar uz saglasnost zamjenika ministra.

#### c) Uprava za veterinarstvo

Uprava za veterinarstvo obavlja slijedeće upravne i stručne poslove:

1. osigurava izvršavanje zakona, drugih propisa i općih akata;
2. neposredno izvršava zakone, druge propise i opće akte, ako to zakonom ili propisom nije izričito isključeno;
3. stručno saraduje u pripremanju propisa i drugih općih akata;
4. provodi upravni nadzor;
5. prati stanje organiziranosti u oblasti veterinarstva i izvršavanje zadataka i poslova u zdravstvenoj zaštiti životinja i veterinarskoj djelatnosti;
6. daje prijedloge za rješavanje pitanja u nadležnosti veterinarstva i odgovorna je za stanje u oblasti;
7. prati realizaciju finansijskih obveza;
8. prikuplja i obrađuje podatke o epizootiološkom stanju u Kantonu, zdravstvenoj ispravnosti namirnica životinjskog porijekla i životinjske hrane, umjetnom osjemenjivanju životinja, kao i o obavljanju dugih poslova u oblasti zdravstvene zaštite životinja veterinarske djelatnosti i drugih poslova;
9. izrađuje razne stručne analize i izvještaje;
10. učestvuje u međunarodnoj stručnoj saradnji;
11. prati zakonske propise iz međunarodne saradnje.
12. obavlja i druge stručne poslove koje mu odredi ministar uz saglasnost zamjenika ministra.

**11. Ministarstvo energetike****Član 16.**

Ministarstvo energetike vrši upravne i stručne poslove koji se odnose na:

1. organiziranje energetske djelatnosti,
2. utvrđivanje i praćenje ostvarivanja energetskog bilansa Kantona,
3. raspodjela i distribucija energije,
4. pripremanje nacrtu zakona i drugih propisa iz svoje nadležnosti,
5. korištenje prirodnih bogatstava iz svoje oblasti u skladu sa zakonima,
6. organizaciju, unapređenje, izradu i praćenje istraživačkih projekata u ovim oblastima,
7. učešće u utvrđivanju globalne strategije razvoja energetike u Kantonu i Federaciji,
8. izgradnja, korištenje i održavanje energetskih objekata i postrojenja u skladu sa propisima,
9. ulaganje stranih lica u domaća preduzeća iz ove oblasti u skladu sa propisima Federacije i Kantona,
10. zaključivanje ekonomsko-financijskih sporazuma sa drugim kantonima uz zaglasnost Ministarstva finansija i Vlade Kantona,
11. inspekcijski nadzor u svim oblastima iz svoje nadležnosti,
12. rješava u drugom stepenu sporove iz svoje nadležnosti,
13. vršenje i drugih poslova iz ovih oblasti u skladu sa zakonom.

**12. Ministarstvo građenja, prostornog uređenja i zaštite okoline****Član 17.**

Ministarstvo građenja, prostornog uređenja i zaštite okoline vrši upravne i druge stručne poslove koji se odnose na:

1. prostorno planiranje i uređenje prostora,
2. utvrđivanje uslova uređenja prostora za objekte

- od važnosti za Kanton,
3. donošenje propisa o korištenju lokalnog zemljišta uključujući zoniranje,
4. praćenje stanja u građevinskoj operativi,
5. stambenu i komunalnu privredu,
6. utvrđivanje stambene politike uključujući donošenje propisa o uređivanju i izgradnji stambenih objekata,
7. obnovu stambene i komunalne privrede,
8. održavanje stambenih zgrada i stanova na kojima pravo raspolaganja ima kanton,
9. zaštita okoline i zaštita prirode,
10. zaključivanje ekonomsko-financijskih sporazuma sa drugim kantonima uz zaglasnost Ministarstva finansija i Vlade Kantona,
11. utvrđivanje uslova za rad u zaštićenim dijelovima prirode,
12. poslovi informatizacije prostora i okoline,
13. koncipiranje programa naučno-istraživačkog rada od značaja za prostorni i društveni razvitak kantona,
14. izrada nacrtu zakona i drugih propisa iz svoje nadležnosti,
15. odlučivanje o drugostepenom upravnom postupku po žalbama iz nadležnosti Ministarstva,
16. inspekcijski nadzor u svim oblastima iz svoje nadležnosti,
17. vršenje i drugih poslova iz ove oblasti u skladu sa zakonom.

U sastavu ovog Ministarstva je **Zavod za prostorno uređenje i zaštitu okoline.**

Zavod obavlja:

1. planiranje, programiranje, projektiranje, korištenje, valorizaciju i zaštitu prostora i mjera za njihovo ostvarivanje,
2. izradu prostorno-planske i urbanističko-tehničke dokumentacije, osim poslova koji su zakonom stavljeni u nadležnost Federacije i općine,
3. Izradu prostornog plana Kantona,
4. Izrada programa uređenja građevinskog zemljišta,
5. obavlja i druge poslove u skladu sa zakonom.

**B. KANTONALNE UPRAVE I UPRAVNE ORGANIZACIJE**

**Član 18.**

Kantonalne uprave i upravne organizacije su:

- 1.. Uprava za geodetske i imovinsko-pravne poslove
- 2.. Zavodi za školstvo
- 3.. Zavodi za zaštitu kulturno-istorijskog nasljeđa
- 4.. Direkcija robnih rezervi
- 5.. Kantonalni arhivi.

**1.Uprava za geodetske i imovinsko-pravne poslove****Član 19.**

Uprava za geodetske i imovinsko-pravne poslove obavlja upravne i druge stručne poslove koji se odnose na:

1. geodetski premjer (mreže stalnih geodetskih tačaka, detaljni premjer terena, izradu planova i karata), katastar nekretnina (katastar zemljišta, katastar zgrada, katastar voda) i katastar vodova, izuzev poslova koji su zakonom dati u nadležnosti Federacije i općine,
2. kartografiranje područja kantona,
3. evidentiranje područja teritorijalnih jedinica (granice i površine: kantona, općina, statističkih jedinica i područja pod posebnim pravnim režimom) u skladu sa zakonom,
4. katastar pomorskog dobra,
5. geodetske poslove od značenja za obranu,
6. komasaciju zemljišta i premjer zemljišta za posebne potrebe,
7. izradu i izvršavanje posebnih programa geodetskih radova koji se finansiraju iz budžeta kantona, koje donosi Skupština i Vlada Kantona,
8. vlasničko-pravne i druge stvarno-pravne odnose na nekretninama i pravima na nekretnine,
9. imovinsko-pravne poslove u vezi sa nekretninama na kojima kanton ima pravo raspolaganja i davanje prijedloga za reprivatizaciju imovine,
10. izrada nacрта zakona i drugih propisa iz svoje nadležnosti,

11. rješavanje u drugostepenom upravnom postupku po žalbama iz nadležnosti uprave,
12. inspeksijski nadzor.

**2. Zavodi za školstvo****Član 20.**

Zavodi za školstvo kao posebne upravne organizacije obavljaju stručno-pedagoške, upravne i druge poslove u oblasti predškolskog vaspitanja i obrazovanja, osnovnog, srednjeg i specijalnog školstva, a koje se odnosi na:

1. izradu prijedloga nastavnih planova i programa za predškolsko, specijalno, osnovno i srednje školstvo, praćenje njihovog provođenja i na osnovu toga predlaganje i izrada prijedloga izmjena i dopuna istih,
2. ostvarivanje stručnog nadzora u izvođenju nastave i drugih oblika organiziranog rada prosvjetnih radnika, stručnih saradnika i direktora,
3. donošenje metodologije izrade i realizacije godišnjih programa rada vaspitno-obrazovnih ustanova,
4. donošenje programa stručnog usavršavanja prosvjetnih radnika i stručnih saradnika,
5. utvrđivanje prijedloga plana, kriterija i mjerila upisa učenika u prve (I.) razrede srednjih škola,
6. praćenje primjene nastavnih planova i programa, udžbenika i priručnika, pedagoških standarda i normativa u praksi i predlaganje izmjena i dopuna istih,
7. organiziranje vaspitno-obrazovnog informacijskog i ostalog sistema na području Kantona,
8. informativno-analitičku djelatnost, izradu informacija, izvještaja i analiza za potrebe ministarstva i drugih institucija na području Kantona,
9. izdavanje stručnih časopisa i publikacija,
10. izrada prijedloga provedbenih propisa iz nadležnosti Zavoda,
11. izrada stručnih uputstava za rad i neposrednu stručnu pomoć vaspitno-obrazovnim ustanovama

- i prosvjetnim radnicima
12. brigu i pomoć pri uvođenju vaspitača, nastavnika i stručnih saradnika u vaspitno-obrazovni proces,
  13. vršenje i drugih poslova iz njegove nadležnosti.

### 3. Zavodi za zaštitu kulturno-istorijskog nasljeđa

#### Član 21.

Zavodi za zaštitu kulturno-istorijskog nasljeđa obavljaju stručne djelatnosti zaštite spomenika kulture koja obuhvaća:

1. razmatranje, proučavanje, istraživanje i naučnu obradu pojedinih pitanja zaštite spomenika kulture,
2. vođenje centralne i zbirne evidencije podataka o stanju spomenika kulture, te utvrđivanje i predlaganje prioriteta u provođenju mjera zaštite,
3. obavljanje stručnih poslova na utvrđivanju stanja kulturnih objekata,
4. koordiniranje i provođenje mjera zaštite kulturnog nasljeđa,
5. obavljanje stručnog nadzora nad radom ustanova za zaštitu kulturnog nasljeđa,
6. obavljanje stručnog nadzora nad provođenjem zaštitnih mjera na spomenicima kulture,
7. pružanje stručne pomoći ustanovama za zaštitu spomenika kulture,
8. predlaganje donošenja odgovarajućih mjera i propisa u vezi sa zaštitom kulturnog nasljeđa,
9. vođenje centralne evidencije i registra spomenika kulture, te prikupljanje dokumentacije o svim spomencima kulture na teritoriju Kantona,
10. predlaganje prioriteta izvođenja zaštitnih zahvata na spomenicima kulture, te u tu svrhu ocjenjivanje konzervatorske dokumentacije i dokumentacije za prostorne planove,
11. obavljanje stručnih naučnih i informativnih radova iz područja zaštite kulturnog nasljeđa,
12. organiziranje i učestvovanje na stručnim savjetovanjima i skupovima o pojedinim pitanjima zaštite kulturnog nasljeđa kao i kursevima, seminarima i sl., u svrhu stručnog usavršavanja radnika u ovom području,

13. stručne ocjene i saglasnost kod revitalizacije pojedinih spomenika kulture,
14. obavljanje i drugih stručnih poslova na zaštiti kulturnog nasljeđa u skladu sa zakonskim propisima.

### 4. Direkcija robnih rezervi

#### Član 22.

Direkcija robnih rezervi obavlja stručne i druge poslove koji se odnose na:

1. nabavku, razmještaj, obnavljanje, čuvanje i korištenje robnih zaliha Kantona,
2. provođenje mjera radi intervencije na tržištu,
3. bilansiranje roba za potrebe robnih zaliha Federacije,
4. saradnju s organima za robne zalihe u kantonima i Federaciji,
5. i druge poslove za koje je nadležno.

### 5. Kantonalni arhivi

#### Član 23.

Kantonalni arhivi obavljaju stručne i druge poslove koji se odnose na:

1. evidentiranje, preuzimanje, sređivanje, obradu, zaštitu i korištenje ukupne arhivske građe i registraturskog materijala kantonalnih i općinskih organa vlasti, razvoja arhivske djelatnosti u Kantonu,
2. mjere osiguranja i zaštite arhivske građe,
3. stručni nadzor nad čuvanjem i zaštitom registraturskog materijala,
4. izdavanje uvjerenja, potvrda i drugih isprava o činjenicama i dokazima koji se nalaze u građi koja se čuva
5. i druge poslove za koje je nadležan.

I DRUGIH TIJELA  
KANTONALNE UPRAVE

Član 24.

Sjedište kantonalnih ministarstava i drugih tijela kantonalne uprave je u Mostaru, a mogu biti i u drugim općinama Kantona u skladu sa odlukom Vlade.

IV RUKOVOĐENJE KANTONALNIM  
MINISTARSTVIMA, UPRAVAMA  
I UPRAVNIM ORGANIZACIJAMA

1. Rukovođenje ministarstvima

Član 25.

Ministarstvom rukovodi ministar.  
U svim bitnim pitanjima iz nadležnosti ministarstva, ministar odlučuje uz saglasnost zamjenika.  
Ministra i zamjenika imenuje guverner Kantona, uz saglasnost zamjenikom guvernera Kantona, a potvrđuje Skupština kantona dvotrećinskom većinom.  
Zamjenik ministra pomaže ministru u izvršavanju njegovih nadležnosti, a zamjenjuju ga u slučaju njegove odsutnosti ili u drugom slučaju kada ministar nije u mogućnosti da obavlja dužnost, kao i u slučaju upražnjenja mjesta ministra, dok novi ministar ne preuzme dužnost te može neposredno rukovoditi određenim područjem rada ili određenom organizacionom jedinicom u skladu sa pravilnikom o unutrašnjoj organizaciji.

Član 26.

Ministar predlaže Vladi nacрте propisa usaglašene sa zamjenikom ministra na bosanskom i hrvatskom jeziku.

Član 27.

U skladu sa aktom o unutrašnjoj organizaciji u ministarstvu se mogu postavljati pomoćnik ministra, glavni kantonalni inspektor, direktori uprava i upravnih

organizacija.

Član 28.

Pomoćnik ministra neposredno rukovodi određenim područjem rada ili određenom organizacionom jedinicom i vrši i druge poslove utvrđene aktom kojim se uređuje unutrašnja organizacija i način rada Ministarstva. i druge poslove koje mu odredi ministar. Glavni kantonalni inspektor neposredno organizira i rukovodi radom kantonalnih inspektora iz određenog područja inspeksijskog nadzora iz nadležnosti kantonalnog organa uprave.  
Direktori uprava, upravnih organizacija u sastavu ministarstva rukovodi upravom, upravnom organizacijom u sastavu ministarstva.

Član 29.

Pomoćnik ministra, direktore uprava i upravnih organizacija u sastavu ministarstva postavlja i razrješava Vlada Kantona, na usaglašen prijedlog ministra i njegovog zamjenika.  
Direktora uprava i upravnih organizacija kantona postavlja i razrješava vlada na usaglašen prijedlog ministra i njegovog zamjenika.  
Ostale rukovodeće službenike i službenike sa posebnim ovlaštenjima postavlja ministar uz saglasnost zamjenika ministra.

2. Unutrašnja organizacija kantonalnih ministarstava

Član 30.

Unutrašnja organizacija kantonalnih ministarstava, uprava i upravnih organizacija u sastavu ministarstva uređuje se pravilnikom o unutrašnjoj organizaciji.  
Pravilnikom o unutrašnjoj organizaciji se obrazuju unutrašnje organizacione jedinice, određuju rukovodeći službenici i službenici sa posebnim ovlaštenjima, utvrđuje raspored poslova, zasnivanje i prestanak radnog odnosa, uslovi za obavljanje poslova i uređuju druga pitanja u vezi organizacije rukovođenja ministarstvom, upravom odnosno upravnom organizacijom.

Unutrašnja organizacija uprave i upravne organizacije u sastavu ministarstva uređuje se aktom o unutrašnjoj organizaciji ministarstva u čijem je sastavu. Pravilnik o unutrašnjoj organizaciji donosi ministar uz saglasnost zamjenika ministra. Na pravilnik iz prethodnog stava saglasnost daje Vlada Kantona.

3. Rukovođenje samostalnom upravom i upravnom organizacijom

#### Član 31.

Kantonalnom upravom i kantonalnom upravnom organizacijom rukovodi direktor.

U svim bitnim pitanjima iz nadležnosti uprave, direktor odlučuje uz saglasnost zamjenika.

Zamjenik direktora pomaže direktoru u izvršavanju njegovih nadležnosti, a zamjenjuju ga u slučaju njegove odsutnosti ili u drugom slučaju kada direktor nije u mogućnosti da obavlja dužnost, kao i u slučaju upražnjenja mjesta direktora, dok novi direktor ne preuzme dužnost te može neposredno rukovoditi određenim područjem rada ili određenom organizacionom jedinicom u skladu sa pravilnikom o unutrašnjoj organizaciji.

Direktora i zamjenika direktora kantonalne uprave i kantonalne upravne organizacije imenuje i razrješava Vlada Kantona na usaglašen predlog predsjednika i zamjenika predsjednika Vlade.

Direktor i zamjenik direktora kantonalne uprave i kantonalne upravne organizacije ne mogu biti iz istog konstitutivnog naroda.

#### Član 32.

U upravljanju pojedinim poslovima, direktoru pomažu rukovodeći službenici.

U skladu sa pravilnikom o unutrašnjoj organizaciji u kantonalnoj upravnoj organizaciji mogu se postavljati pomoćnici direktora.

Pomoćnika direktora postavlja i razrješava Vlada Kantona na usaglašen prijedlog direktora i njegovog zamjenika.

Ostale rukovodeće službenike i službenike sa posebnim ovlaštenjima postavlja direktor uz saglasnost zamjenika direktora.

#### Član 33.

Pomoćnik direktora neposredno rukovodi određenim područjem rada ili određenom organizacionom jedinicom i vrši druge poslove koje mu odredi direktor.

4. Unutrašnja organizacija samostalne uprave i upravne organizacije

#### Član 34.

Unutrašnja organizacija kantonalne uprave i upravne organizacije uređuje se pravilnikom o unutrašnjoj organizaciji.

Pravilnikom o unutrašnjoj organizaciji se obrazuju unutrašnje organizacione jedinice, određuju rukovodeći službenici i službenici sa posebnim ovlaštenjima, utvrđuje raspored poslova, zasnivanje i prestanak radnog odnosa, uslovi za obavljanje poslova i uređuju druga pitanja u vezi organizacije rukovođenja upravom i upravnom organizacijom.

Pravilnik o unutrašnjoj organizaciji donosi direktor uz saglasnost zamjenika direktora uz predhodnu saglasnost Vlade Kantona.

### V PRELAZNE I ZAVRŠNE ODREDBE

#### Član 35.

Kantonalna ministarstva koja se obrazuju ovim zakonom počinju sa radom danom davanja svečane izjave ministra i zamjenika u Skupštini kantona.

Kantonalne uprave i upravne organizacije koje se osnivaju ovim zakonom počinju sa radom danom imenovanja direktora uprave i upravne organizacije.

#### Član 36.

Sastav zaposlenih u kantonalnim organima uprave mora održavati nacionalni sastav Kantona.

#### Član 37.

U roku od 60 dana od dana stupanja na snagu ovog zakona, donjet će se pravilnici o unutrašnjoj

organizaciji ministarstava i kantonalnih uprava i  
upravnih organizacija.

**Član 38.**

Ovaj zakon stupa na snagu danom objavljivanja u  
službenim novinama Kantona.

Broj: 01-XIV-019-01/98  
14. aprila 1998.g.  
Mostar

Predsjednik  
Hamo Masleša s.r.

**I - OPŠTE ODREDBE**

**Član 1.**

Ovim Zakonom osniva se Agencija za  
privatizaciju u Hercegovačko-neretvanskom kantonu  
i utvrđuje se pravni položaj, sjedište, organizacija,  
djelatnost, nadležnost, upravljanje, rukovođenje i  
finansiranje.

**PRAVNI POLOŽAJ I SJEDIŠTE  
AGENCIJE ZA PRIVATIZACIJU**

**Član 2.**

Agencija za privatizaciju Kantona (u daljem  
tekstu: Agencija) je pravna osoba.

Agencija je specijalizirana organizacija  
Hercegovačko-neretvanskog kantona.

**Član 3.**

Sjedište Agencije je u Mostaru.

**ORGANIZACIJA AGENCIJE**

**Član 4.**

Unutrašnja organizacija Agencije mora  
osigurati stručno, efikasno i racionalno provođenje  
poslova iz djelokruga ovlaštenja utvrđenih ovim  
zakonom, drugim propisima i opštim aktima Agencije.

**56**

Na osnovu poglavlja V., odjeljka B. člana 45. c)  
Ustava Hercegovačko-neretvanskog kantona,  
d o n o s i m

**U K A Z**

**o proglašenju Zakona o agenciji za privatizaciju**

Proglašava se Zakon o agenciji za privatizaciju koji  
je donijela Skupština Hercegovačko-neretvanskog  
kantona na sjednici održanoj 14. aprila 1998, godine.

Broj: 01-I-018/98

01. jula 1998.

Mostar

Guverner

Željko Obradović s.r.

